



## Acerca de este libro

Esta es una copia digital de un libro que, durante generaciones, se ha conservado en las estanterías de una biblioteca, hasta que Google ha decidido escanearlo como parte de un proyecto que pretende que sea posible descubrir en línea libros de todo el mundo.

Ha sobrevivido tantos años como para que los derechos de autor hayan expirado y el libro pase a ser de dominio público. El que un libro sea de dominio público significa que nunca ha estado protegido por derechos de autor, o bien que el período legal de estos derechos ya ha expirado. Es posible que una misma obra sea de dominio público en unos países y, sin embargo, no lo sea en otros. Los libros de dominio público son nuestras puertas hacia el pasado, suponen un patrimonio histórico, cultural y de conocimientos que, a menudo, resulta difícil de descubrir.

Todas las anotaciones, marcas y otras señales en los márgenes que estén presentes en el volumen original aparecerán también en este archivo como testimonio del largo viaje que el libro ha recorrido desde el editor hasta la biblioteca y, finalmente, hasta usted.

## Normas de uso

Google se enorgullece de poder colaborar con distintas bibliotecas para digitalizar los materiales de dominio público a fin de hacerlos accesibles a todo el mundo. Los libros de dominio público son patrimonio de todos, nosotros somos sus humildes guardianes. No obstante, se trata de un trabajo caro. Por este motivo, y para poder ofrecer este recurso, hemos tomado medidas para evitar que se produzca un abuso por parte de terceros con fines comerciales, y hemos incluido restricciones técnicas sobre las solicitudes automatizadas.

Asimismo, le pedimos que:

- + *Haga un uso exclusivamente no comercial de estos archivos* Hemos diseñado la Búsqueda de libros de Google para el uso de particulares; como tal, le pedimos que utilice estos archivos con fines personales, y no comerciales.
- + *No envíe solicitudes automatizadas* Por favor, no envíe solicitudes automatizadas de ningún tipo al sistema de Google. Si está llevando a cabo una investigación sobre traducción automática, reconocimiento óptico de caracteres u otros campos para los que resulte útil disfrutar de acceso a una gran cantidad de texto, por favor, envíenos un mensaje. Fomentamos el uso de materiales de dominio público con estos propósitos y seguro que podremos ayudarle.
- + *Conserve la atribución* La filigrana de Google que verá en todos los archivos es fundamental para informar a los usuarios sobre este proyecto y ayudarles a encontrar materiales adicionales en la Búsqueda de libros de Google. Por favor, no la elimine.
- + *Manténgase siempre dentro de la legalidad* Sea cual sea el uso que haga de estos materiales, recuerde que es responsable de asegurarse de que todo lo que hace es legal. No dé por sentado que, por el hecho de que una obra se considere de dominio público para los usuarios de los Estados Unidos, lo será también para los usuarios de otros países. La legislación sobre derechos de autor varía de un país a otro, y no podemos facilitar información sobre si está permitido un uso específico de algún libro. Por favor, no suponga que la aparición de un libro en nuestro programa significa que se puede utilizar de igual manera en todo el mundo. La responsabilidad ante la infracción de los derechos de autor puede ser muy grave.

## Acerca de la Búsqueda de libros de Google


El objetivo de Google consiste en organizar información procedente de todo el mundo y hacerla accesible y útil de forma universal. El programa de Búsqueda de libros de Google ayuda a los lectores a descubrir los libros de todo el mundo a la vez que ayuda a autores y editores a llegar a nuevas audiencias. Podrá realizar búsquedas en el texto completo de este libro en la web, en la página <http://books.google.com>

---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google<sup>TM</sup> books

<https://books.google.com>



NATIONALBIBLIOTHEK  
IN WIEN

133061-B

ALT-







128. G. 29.

21

*Q. D. B. V.*  
**IGNORANTIA ERUDITA,**  
EX  
IURE NATURAE  
EIVSQUE  
PRINCIPIO  
DEMONSTRATA  
IUSTO VVESSELO RUMPAEO, D.


ATTENTION: ALL STAFF

CIVIL ICE





# I. N. I.



**I**ſi Adam ad DEI imaginem creatus rerum cum supernaturalium tum naturalium perfectam acceperat cognitionem, ut SS. Trinitatis quoque ex ratione cognosceret Myſterium; lapſus tamen quantam ſibi ſuiſque poſteris ſuperinduxerit ignorantiam rerum omnium, lacrimis vix deplorare poſſumus ſufficientibus. Neque enim de rebus, quas homo poſt lapſum ignorat, extra ſe poſitis, vel aliquid hic adducemus; cum in Theologicis celeberrimus Theologus Altorſinus Dn. D. SONTAGIUS Diſſertatione inaugurali de Ignorantia Theologorum laudabili ex 1 Cor. XIII, ſub Praeſidio b. D. VELTHEMII. Ienae 1690. habita, et ex Reformatiſ GIBBERTUS VOETIUS P. III. Diſſp. ſelectarum quabus de docta Ignorantia Diſputationibus; In Philoſophi-

cis b. D. IOACHIMUS LINDEMANNUS disquisitione de  
iis, quae Theologia naturalis ignorat, b. D. SELIGMAN-  
NUS Disputatione de iis, in quibus Philosophia dormitare  
vel haerere videtur, et Maxime Reuerendus Dn. D. AEPI-  
NUS, Fautor et Amicus noster aestumatissimus, Dissertatio-  
ne Logica de Ignorantia Erudita, et iterum VOETIUS Tra-  
ctatu de Ignorantia docta Physica id ostenderint sufficientissi-  
me: Manemus autem in praesens apud Ius Naturae, atque  
ex eo doctam siue eruditam confirmabimus Ignorantiam.  
Equidem dari Ius Naturae praeter CARNEADEM, Acade-  
micae Sectae Philosophum, de quo vid. GROTIUS de Iure  
Belliet Pacis Prolegom. §. V. hactenus ignorauit nemo, partim  
interno conscientiae testimonio Rom. II, 15.; partim Numinis  
diuini sensu ac metu; partim actionum bonarum et malarum  
natura; partim denique ipsius subiecti, quod est homo, Iu-  
ris Naturalis existentia, illud euidentissime demonstrantibus,  
Vid. Dn. M. FERBERI Philosophia Iuris Naturalis §. II. et  
seqq. Quid vero hoc Ius Naturale sit, non omnes aequè  
scire videntur. Quod si enim cum HUGONE GROTIO il-  
lud definiueris *per dictatum rectae rationis, indicans actui  
alicui ex eius conuenientia vel disconuenientia cum natura ra-  
tionali inesse moralem turpitudinem vel necessitatem moralem,*  
tibi b. D. OSIANDER in Observationibus varias ostendet  
difficultates, quibus haec definitio premitur, quaeque de-  
monstrant, quare sit reiicienda: Si cum VITRIARIO in  
Institutionibus Iuris Naturae et Gentium C. I. Q. XI. p. m. 5.  
Ius Naturae dixeris, esse *Ius quod DEUS per rectam ratio-  
nem inter omnes homines constituit propter honestatem et tur-  
pitudinem,* tibi Dn. D. IAGERUS in Observationibus ad  
GROTII libros de Iure Belliet Pacis, Tübingae 1710. p. m.  
44: et seqq. prolixè ostendit, neque hanc definitionem sub-  
sistere posse: Si cum ipso Dn. D. IAGERO vel theologicè,  
per

per regulam menti nostrae diuinitus inscriptam, obligantem ad amorem DEI, sui et proximi, vel philosophice per normam viuendi ab autore naturae praescriptam, obligantem ad id quod intrinsece bonum est, amplectendum, et malum fugiendum. l.c. p. m. 46. Ius Naturae describeris: Tibi hanc definitionem non concedent, teste ipso IAGERO l.c. p. m. 47. qui cum PUFENDORFFIO, VITRIARIO, illustri Dn. THOMASIO, et aliis contendunt, Ius Naturae primario iustitiam respicere; aut ex illa ceu fonte quodam pullulare; aut ab ea determinationem accipere: Neque in eam consentient, qui cum FERBERO l. c. §. 48. solicite Ius Naturae a Lege Naturae distinguunt, causari non Ius, sed Legem Naturae a IAGERO definitam esse. Aliis aliorum definitionibus recensendis reiciendisque, cum plura nobis adhuc sint memoranda, iam superfedemus. Ad ipsum iuris vocabulum si transeo, et hic, unde illud deriuetur non eandem esse omnium cognitionem, inuenio: Illud ceu iussum a iubenda per apocopen a GUILIELMO, et HUGONE GROTIIO, vel a iusto itidem a GUILIELMO GROTIIO, vel a Ioue a CHRYSIPPO et STOICIS deriuari, nemini, qui vel prima huius disciplinae salutauit limina, poterit esse ignotum. Quaerenti amplius, quid iuris? Quid naturale vocabulum hic notet? Non eodem modo Autores respondebunt. Iuris vocabulum hic non legem notare, ostendere adlaborat FERBERUS l. c. §. 4. et 48. cui autem contradicit PUFENDORFFIUS de Iure Naturae et Gentium Libro II. c. III, §. 1. et GUILIELMUS GROTIUS de Principiis Iuris Naturalis, aliis praeter legem etiam facultatem significat, indeque in cenceffuum, quod confert facultatem agendi, et praeceptiuum, quod iubet agere vel non agere distinguunt, sed hac dixorquia alii non sunt contenti, ius permissiuum, cuius indultu (extrinsece) ab impedimentis et poena ille exemptus

est, qui sic agere velit, nulla tamen facultate (intrinsece) minus mandato ad agendum hoc ipso instruitur, addentes. Summa tamen, qui ius concessivum et permissivum pro iisdem habent. Vid. b. ALBERTI Compend. Iuris Naturae Lipsiae 1696. 8. c. I. §. 2. et 3. p. m. 33. et 34. ➔ naturale aliis naturam naturatam, et quidem eius nudum instinctum, quos refutavit FERBERUS l. c. §. 3. aliis vero naturam hominis, rerumque ab homine proficiscentium, vid. FRID. GENTZEN de Principiis Iusti, Kiloni 1707. 4. C. I. §. 3. p. m. 13. significat. Satis de Iuris Naturae definitione et vocabulo. Nondum autem litium finis, quin potius eas crescere videbis, si ad iuris naturae principium iam fuerit deventum. Per principium autem hic intelligitur *cognoscendi*, ex quo ego cognoscere possum, hoc vel illud esse vel non esse iuris naturalis. Requiritur autem ad hoc principium, ut sit (a) *Verum*, quod non continet propositionem aliquam falsam. (b) *Primum*, ex quo omnia iuris naturae praecepta ultimo per legitimae consequentiae leges inferuntur, atque in illud denique iterum resolvuntur. (c) *Unicum*, quod est veritatis consequens, cum unius rei non nisi sit unica veritas, neque duplex et contradictoria veritas detur. (d) *Adaequatum*, unde omnia rite inferri possunt, seu, quod omnia Iuris Naturae praecepta sub se continet, nec alia tamen praecepta, quam Iuris Naturalis. (e) *Evidens*, quod tam voluntati divinae convenire, abstrahendo tamen a lumine reuelato, ex primo principio practico potest demonstrari, quam cum quo connexio conclusionum adeo evidens est, ut fere palpari possit. Quibus ita praesuppositis, si quaeras, quodnam sit Iuris Naturae principium, equidem in genere facile responderi potest, illud sc. esse Iuris Naturalis principium cognoscendi, siue ex quo cognosci possit, quid sit quidue non sit Iuris Naturalis, *quod est verum, primum, unicum, adaequatum et evidens.* In specie

eie autem quodnam illud sit, determinare hoc opus, hic labor est. Agedum viginti diuersorum diuersas adducamus sententias, earum vero Auctoribus, propter breuitatem, non allegatis, nullam ex iis sine dubiis difficultatibusque esse, ostensuri. Quicumque ergo contendit, I. Iuris Naturalis principium consistere *in conuenientia cum ordine et sine creaturarum*, ei ostendi potest, hoc principium non (a) esse *verum*, cum ex eo sequatur, Ius Naturale etiam in bruta et reliquas creaturas omnes cadere: Neque (β) esse *adaequatum*, cum non omne, quod ordini naturae aduersum est, e.g. per aluum assumere alimenta, siue per clysteres nutriri, vomitum medicamentis prouocare, repugnet Iuri Naturae: (γ) Non esse *euidens*, maxime enim obscurum et difficiliori disquisitioni est obnoxium, quid sit, et in quo consistat natura humana. Neque II. Principium iuris Naturae, *Ius Mundi eiusque ordinem* statuere possumus, *ut ea quae finem a DEO in creatione mundi intentum impediunt, prohibita, siue quibus vero finis iste obtineri nequit, imperata Iure Naturae censenda sint*, quia non est *euidens*, neque enim liquido et distincte intelligi potest, quam necessariam relationem singula Iuris Naturalis praecepta ad finem in creatione mundi intentum habeant. Quod si III. Principium Iuris Naturae dixeris esse *communem omnium gentium naturae suae recte utentium obseruantiam*, tum deprehendes, illud non satis esse *euidens*, cum non omnes gentes sint notae: Neque *cognitarum* leges aut mores patefiant: Non esse *adaequatum*, cum gentes in omnibus omnes non idem sentiant. Fuerunt IV. equidem, qui principium Iuris Naturalis esse *conuenientiam cum statu integritatis* dixerunt, sed ostenderunt alii, hoc principium non esse *euidens* homini rudi omnis Iustitiae et Religionis, et Ethnico non esse naturaliter cognoscibile, sed ex sola Scriptura unice cognoscendum. V. Quod a nonnemine principium Iuris Naturalis

lis

lis constituitur : *Quaerendam esse pacem, ubi haberi potest, ubi non potest, quaerenda esse belli auxilia, siue defensionem vitae et membrorum suorum pro posse, illud est inadaequatum, neque enim omnia praecepta ex eo sunt demonstrabilia: Non est verum, cum hic status naturalis praestantiae hominis non conueniat. Non est VI. Principium Iuris Naturae voluntas et iussum creatoris, quia non est principium euidens, cum, quicquid sit voluntatis diuinae, ex reuelatione pateat: Non est adaequatum, quia non tantum voluntas diuina, sed etiam intellectus, potentia et sapientia huc pertinent. VII. Septem vero Noachidarum praecepta non sunt iuris naturae principium, quia non est euidens, neque enim ex lumine naturae vel de his praeceptis, si quae dantur, constat: Non est verum, cum non sit extra controuersiam, an unquam a Noacho ejusmodi praecepta fuerint data. VIII. Qui principium Iuris Naturae rectam rationem constituunt, illi videant, an hoc principium sit euidens, omnibus namque mortalibus rectam rationem crepantibus, et alios, qui ipsis sunt contrarii, in errore versari putantibus. IX. Qui principium Iuris Naturae, vel iustitiam diuinam, vel X. Legem DEI aeternam, faciunt, illi non considerant, quod haec principia non sint euidencia, cum citra reuelationem diuinam, vel conuenientiam cum iustitia diuina vel disconuenientiam, neque an haec cum lege aeterna conueniant, an vero non? an sit primum principium, cum aliunde semper sit probandum, hoc istudue legi aeternae conuenire, vel non conuenire, in omnibus scire possimus. XI. Neque beneuolentiam uniuersalem, neque XII. amorem intellectualem, vel studium suum cuique tribuendi pro principio Iuris Naturae agnoscimus, cum non sit principium euidens, quid enim obscurius est hac beneuolentia uniuersali? non sit principium adaequatum, studium suum cuique tribuendi est pars officiorum hominis, quae aliis debet. Ubi yero manent officia*

ficia erga DEUM et nos ipsos? XIII. Tria haec iuris praecepta: *Honeste vivendum, nemo laedendus, suum cuique tribuendum*, non possumus pro principio Iuris Naturae recipere, quia non est principium *unum*, sunt enim tria praecepta, tres propositiones: Non est *evidens*, siue enim honestum appelles legi, siue rationi conueniens, obscurum manebit, quid sit conueniens rationi et legi. Tertium vero: *Suum cuique tribue*, non est *evidens*, cum hoc solum ICTus in definitione iustitiae suo iam tempore inculcauerit. XIV. Communiter quidem principium Iuris Naturae dicunt esse *socialitatem, siue communem inclinationem toti humano generi a DEO inditam, vi cuius desiderat vitam cum aliis hominibus beatam atque tranquillam*, sed alii hic obuertunt, non esse principium *adaequatum*, neque enim ex hac socialitate officia erga DEUM, neque officia hominis erga seipsum, temperantia e. g. innocentia etc. neque officia erga alios, an v. g. germanam ducere uxorem, adulteria, incestus, sint actus turpes? An vero liciti? demonstrari possint, prout ipsi Dnn. Dissidentes concedunt, quando etiam praeceptum hoc: DEO pare, dicunt esse praesuppositum Iuris Naturalis: Non est principium *primum*, cum eo detur aliud prius, voluntas scil. diuina et lex de amando proximo, quibus socialitas unice nititur: Non est principium *verum*, neque enim quod non laedit societatem, statim est Iuri Naturae conforme, nisi velis e. g. Polygamiam, Incestum, Sodomiam etc. Iuri Naturae conformia dicere. Unde XV. Etsi alius huic socialitati *philautiam coniunxerit*, et principium Iuris Naturae esse dixerit: *Cole DEUM, exerce philautiam et socialitatem erga viuos et mortuos, nec non propagationi naturae humanae attemperatae stude, conditioni tuae vel naturali vel aduentitiae conuenienter*, nos tamen pro principio Iuris Naturalis non possumus assumere, quia non est principium *evidens*, qualis philautia an bona? anima-

B

la?

la? hic sit intelligenda, non omnibus patet: Non est principium *verum*, sicut ex num. antecéd. patet, destructa enim socialitate, et hoc principium falsum esse prona consequentia fluit. XVI. Tria vero haec principia: *DEUM cole, temperanter viue, et socialiter viue*, non videntur nobis rigorem principii Iuris Naturae sustinere, quia haec propositio: *Temperanter viue* non est principium *adaequatum*, cum non omnia officia, quae homo sibi ipsi debet, sub se comprehendat, v. g. defensionem sui ipsius etc. Tertiam vero propositionem: *Socialiter viue* non posse esse Iuris Naturae principium, iam supra ostendimus. XVII. Neque hae regulae: *Quod quisque Iuris in alium statuit, ut ipse eodem Iure utatur, Et: Quod tibi non vis fieri, alteri ne feceris*, possunt esse principium Iuris Naturae, quia non sunt principium *euidens*, cum non cuius pateant: non sunt principium *adaequatum*, neque enim procedunt inter inaequales, cum Dominus possit a seruo postulare servitia, etsi nolit ista rursus seruo praestare: Non poterunt applicari ad officia hominis erga seipsum. XVIII. Sunt etiam, qui circa has tres propositiones: *Quod vis, ut alii sibi faciant, tute tibi facies*: (vocatur principium honesti) *Quod vis, ut alii tibi faciant, tu ipsis facies*: (appellatur principium decori) *Quod tibi non vis fieri, alteri ne feceris*: (appellatur principium iusti) tanquam principium Iuris Naturalis, desiderant, quod non videantur esse principium *euidens*, cum non cuius facile pateat, quid alii sibi debeant facere: Non videantur esse principium *verum*, qui enim alteri homini non bene cupit, is veller, ut ille sibi damnum inferret, ex quo iam sequeretur, nos nobis ipsis damnum inferre debere: Non videantur esse principium *adaequatum*, cum officia erga DEUM illis non comprehendantur. XIX. Neque haec propositio: *Quicquid ad conservationem emendationemque naturae facit, id omne est Iuris*



*Iuris Naturalis*, videtur Iuris Naturae principium esse, quia non est principium *euidens*, cum non omnibus pateat, quodnam illud sit, quod ad conseruationem emendationemque naturae facit: Non est principium *adaequatum*, cum neque officia erga DEUM, neque officia erga proximum hoc principio contineantur: Neque adeo est principium *unicum*, cum adhuc alia dentur, quae in hoc non continentur. XX. Tandem videntur *amor DEI*, *amor sui ipsius*, et *amor proximi* esse Iuris Naturae principium, sed quia non est principium *euidens*, cum ex lumine rationis nemini mortalium pateat, quomodo DEUM vere amare debeat, sed illud unice ex Scriptura sit addiscendum: Neque etiam quomodo seipsum licite amare debeat, quilibet nouisse potest, neque est principium *primum*, cum voluntate diuina nitatur, inde apparet, et contra hoc principium nonnulla excipi posse. Atque ita varias, numero viginti, de Iuris naturae principio sententias proponendo, dubiolaque circa eas adiiciendo, ostendisse nos putamus, vix aliquod Iuris Naturae principium constitui posse, quod exceptionibus non sit expositum, scientiamque adeo nostram circa illud esse prorsus exiguam. Quam si eruditam appellare mauis ignorantiam, non refragrabimur. In praesens ex Cathedra nostra Scholastica de Ignorantia declamatu-  
ros cum *cras circa horam primam*, bono cum DEO, situri  
simus Iuuenes, et quidem

IOANNEM CASPARUM DOVY, Osnabru-

genslem, *de ignorantia intellectus humani*,

GOTTFRIDUM CASPARUM DAVIDIS,

Unnensem, *de remediis aduersus ignorantiam*,

GOTTFRIDUM BALTHASAREM RADE-

MACHER, Unnensem, *de diuerso pro ingenii di-*

*uersitate studiorum genere ad depellendam*

*ignorantiam amplectendo,*

laci-

latinas Orationes, bene elaboratas, memoriter recitatu-  
ros, ut huic Panegyri sua grauissima et honorifica praesentia splendorem conciliare,  
nostrosque Oratores beneuole audire velint *Ma-*  
*gnificus noster Magistratus, Amplissimi Domini*  
*Scholarchae, Venerandum Ministerium, alique bo-*  
*narum litterarum Patroni ac Fautores* ea, qua par  
est, obseruantia etiam atque etiam rogamus. PP.  
Susati M DCC XV. Die XXVI. Martii.

---

SUSATI, Litteris HERMANNIANIS.







Österreichische Nationalbibliothek



+Z160385606



